



# Coronavirus (COVID-19) ilaalamuu

Gaaffii yoo qabaatte toora gargaarsa bilbilaa coronavirus (COVID-19), sa'aa-24 kan dalagu 1800 675 398 irratti bilbili.

Coronavirus ilaalamuuf eessa deemuu akka dandeessu beekuuf toora gargaarsa bilbilaa coronavirus 1800 675 398 irratti bilbiluu dandeessa yookaan <https://www.dhhs.vic.gov.au/getting-tested-coronavirus-covid-19> laali.

Afaan hiikaa (afaan deebisa) yoo barbaadde jalqaba 131 450 bilbili, sana booda toora gargaarsa bilbilaa coronavirus gaafadhu yookaan akka mar-sariitee (website) irra siif laalan gaafadhu.

Kan afaan kaanitti hiikame baay'ee isaa asii arguu dandeessa <https://www.coronavirus.vic.gov.au/translations>.

## Coronavirus ilaalamuun namoota Victoria keessaa, kunis bartoota biyya alaa irraa dhufan (international students), koolu-gaafattoota (seeking asylum) yookaan kanneen biyya do'achuuf ala irraa dhufanii as jiran dabalee hundaaf tola kennama.

Coronavirus ilaalamuun hundaaf tola kennama. Kunis namoota Medicare hin qabne, kan biyya do'achuuf ala irraa dhufanii as jiran, bartoota biyya alaa irraa dhufan, hojetoota godaantota (migrant workers) fi koolu-gaafattoota.

Yoo mallattoon dhukkubbii sitti dhagahame, iddoo itti aanee jiru kanneenitti tola ilaalamuu dandeessa:

- Hospitaala Victoria Kilinika Qorannoo Afuur-baasata Jarjarsaa (Acute Respiratory Assessment Clinic)
- Giddu-galeessa Fayyaa Hawaasaa Kilinika Qorannoo Afuur-baasata Jarjarsaa (Community Health Centre Respiratory Assessment Clinic)
- Kilinika-karaa irraa (drive-through clinic) bakka gabaa
- Kilinika-miilaa (walk-through) baadiyaa.

## Coronavirus eenyutu ilaalamuu qaba?

Mallattoolee kanneen yoo qabaatte coronavirus ilaalamuu qabda:

- Qaama gubaa (layida) (Fever)
- Qorrisiisaa (dhaamochiisaa)
- Qufaa
- Dhukkubbii laagaa keessaa
- Afuura-kuta
- Furreessa (furrii)
- Fooliin namatti dhagahamuu diduu (Funyaan nama diduu)

Yoo mallattooleen kun sitti hammaataa miti tahes ilaalamuu qabda.

## Yeroo ilaalamtu maaltu taha?

Yeroo ilaalamtu waraqaa kan eenyummaa kee ibsuu fi akkamiin akka si qunnamuun danda'amu gaafatamta. Medicare hin qabdu yoo tahe, waan eenyummaa kee ibsu, fakkenyaaf kan akka hayyama konkolaachisaa, passport, kaardii geejjibaa yookaan waraqaa eenyummaa barataa qabadhuu kottu. Kilinikiin ati itti ilaalamtu gosa visa keetii beekuu hin barbaachisu.

Neersii, doktora fayyaa yookaan hoggeessota fayyaatiin coronavirus ilaalamta. Laagaa kee gara duubaa fi funyaan kee keessaa haxaawanii ilaalu. Daqiiqaa tokko yeroo hin caalle keessatti ilaalamta.

## Coronavirus eega an ilaalameen booda qofaatti of baasuun qabaa?

Yoo mallattoo qabaatte hanga itti-baha qorannoo keetii argatutti qofaatti akka adda of baastu doktorri yookaan hojjetootni fayyaa sitti himu. Kana jechuun akkuma ilaalamteen daftee gara manaa deemtee hanga itti baha qorannoo keetii argatutti mana turta jechuu dha.

Doktorri fayyaa yookaan kiliniki ati itti ilaalamte itti baha ilaalamuu keetii coronavirus qabaachuu (positive) yookaan akka hin qabne (negative) sitti himan.

## Itti-baha ilaalamuu argachuuf yeroo hangam fudhata?

Ilaalamtee itti-baha isaa argachuuf yeroo hedduu guyyaa 1 hanga 3 fudhata. Yoo namoota baay'eetu ilaalame tahe tarii hanga guyyoota 5 fudhachuu danda'a.

Waa'ee itti baha ilaalamuu keetii irratti yoo gaaffi qabaatte kilinika yookaan hospitaala itti ilaalamte quunnamini.

Yoo kilinika karaa irraa (drive-through) bakka gabaatti ilaalamte tahee fi itti baha ilaalamuu keetii argachuuf guyyaa 5 caalaa eegde yoo tahe toora gargaarsa bilbilaa coronavirus sa'aa-24 hojjetu 1800 675 398 irratti itti bilbili.

Gartuun keenya itti baha ilaalamuu keetii akka argattuuf si gargaaru. Kiliniki- karaa irraa (drive-through) bakka gabaa itti baha ilaalamuu keetii argachuu si hin gargaaran, kanaaf, itti baha ilaalamuu keetiif isaan hin quunamini.

Yoo dhukkuba irraa qulqulluu taate illee itti-bahi ilaalamuu keetii sitti himama. Yoo dhukuba qabaachuun kee beekames namni tahe Department of Health and Human Services irraa odeffannoo dabalaa argachuu fi maal godhchuu akka qabdus sitti himuuf si quunnama.

Maxxansaa kana argachuuf email kan ati itti ergitu [Emergency Management Communications](mailto:em.comms@dhhs.vic.gov.au) <em.comms@dhhs.vic.gov.au>.

Authorised and published by the Victorian Government, 1 Treasury Place, Melbourne.

© State of Victoria, Australia, Department of Health and Human Services May 2020.

ISBN/ISSN 978-1-76069-423-4 (online/print)

Available at [Translated resources - coronavirus disease \(COVID-19\)](https://www.dhhs.vic.gov.au/translated-resources-coronavirus-disease-covid-19) <<https://www.dhhs.vic.gov.au/translated-resources-coronavirus-disease-covid-19>>